




Universitäts- und Landesbibliothek Sachsen-Anhalt

urn:nbn:de:gbv:3:1-560423-p0001-3

DFG



313063.

44

xx. 17

1661 17a

21

D. T. O. M. A.
De
JURIBUSMA-
IESTATIS
EXERCITATIO VI.

agens
**De Jure erigendi Academias,
creandi Doctores, Licentiatos, Magistros, Bacca-
laureos, Poëtas & Notarios publicos,**

Quam,
SUB PRÆSIDIO
CASPARIS ZIEGLERI
J. u. Doct. & Prof. Pub.


*publicè
disputandam proponit*
MICHAEL FRIDERICUS LEDERERUS

WITTEB. SAXO.

In Auditorio jCtorum addiem Martis



WITTEBERGÆ, Excud. MATTHÆUS HENCKELIUS
ANNO M. DC. LXI.





I.

AD Jura Episcopalia refertur etiam cura Scholarum trivialium & oppidanarum. Dn. Carpzov. *Jp. Consistor. l. i. def. 9.* Etsi enim non Magistratibus tantum municipalibus inter cives suos, sed singulis etiam civibus domi sue præceptorem constituere liceat liberis suis; quia tamen interest Reip. non in fide tantum verâ, sed etiam moribus civitati conformibus juventutem informari, circumscribenda est civibus ista libertas, & ultima atque summa harum rerum cura vindicanda Majestati. Ethæc causa est, quod Serenissimus Saxoniæ Elector, non eos tantum pædagogos, qui trivialib⁹ scholis præficiuntur, sed alios etiam quosvis præceptores, qui privatim educandis instituendisque pueris operam impendunt, Superintendentis vel Pastoris inspectioni subjecerit. Vid. *Ordinat. Eccles. tit. von Windel. Schulen.* non ignarus, neglectam in civitatibus atque insuper habitam disciplinam irrecuperabiliter damno sui contemptum solere ulcisci. Unde & privatas Scholas visitari debere rectè post alios concludit Joh. Baptista Costa *de rat. Rat. q. 89. n. 3.*

II. Variè quidem & frequenter in Jure nostro scholarum fit mentio, sed quæ cum his, de quibus nos agimus, commune habent omnino nihil. Ita legitimus de schola Equitum & peditum *l. 6. C. de advoc. divers. jud. de schola Scriniariorum l. 9. C. Theod. de ann. civil. de schola Palatina l. 13. §. 8. C. de iudic. de schola Silentiariorum l. 4. C. de silentiar. de schola societatis sacrarum largitionum l. 13. C. de pal. sac. largi. de schola domesticorum l. 3. C. ubi Senat. de undecim scholis militum l. ult. C. de locat. de aliis alibi.* Ex quibus tamen illicò patet, scholam

accipi pro ordine militantium & aliorum, qui munere atque officio aliquo ad Principis ministerium pertinente funguntur. Anton. Perez. *Cod. de privileg. scholar.* Marcell. Donat. in Ammian. Marcellin. l. 26. Et h̄arum regimen qui Juribus Episcopali bus adnumerare vellet, aulæ & Ecclesiæ quod sit discrimen, se nondum satis nosse profiteretur. Sed nostræ illæ, de quibus nunc agimus, & quæ communiter hodiè ita dici solent, Scholæ, quin Episcopalem desiderent curam, dubitari amplius nequit, cùm & aliæ piis causis & locis accenseantur. Nicol. Reusner l. 3. decis. 4.

III. Utcunque verò in ludis literariis & gymnasiiis instituendis aut conservandis Principis aliqua, nec minima versetur cura, saltem quod juventutis bene educandæ & erudiendæ modum concernit; non prohibentur rāmen vel magistratus municipales, veletiam privati ex pio affectu scholas erigere, cùm hoc propriè & directò ad Jura Majestatis non pertineat, quemadmodum & Ecclesiæ fundare eos posse diximus *disput. anteced.* Vicissim verò ista talis, quam Magistratibus & privatis tribuimus, potestas, ita sub jacet legi publicæ, ut non liceat vel Præceptores præficere, vel dogmata aut libros proponere, quos ut pietati & honestati adversos aut Reip. parum conformes exesse jussit Majestas; adeoque à primâ statim origine schola à quo cunque fundata incipit curæ Episcopali & ipsius Principis subesse. Et ex hoc capite reprehenduntur haud immerito Athenienses, quod sine discrimine admiserint varias admodum, imò & noxias philosophorum hæreses, easque non à se se tantum invicem, sed etiam à religione receptâ & legibus urbanis quam longissime dissidentes; qui, si uni alicui & meliori Philosophorum sectæ liberè docendi facultatem concessissent, rectius utique & juventuti & Reip. suæ consuluisse putantur. Vid. Aristot. l. 8. *Poët. c. 1.*

IV. Sublimior adhuc & specialior cura Principis est circa Academias, quippe quas sub iis qualitatibus, quibus hodiè visuntur, erigere præter Principem potest nemo. Et hinc est, quod Jus Patronatus Ecclesiasticum distinguatur,
quod

quod sit vel Ecclesiasticum in specie vel Academiarum. Fin-
kelhaus *de jur. patronat.* c.3. n.4. Et utique magna est inter pa-
tronos Ecclesiarum & Patronos Academiarum differentia.
Illi enim possunt esse homines tam publica & regia autorita-
te praediti, quam privati. Hi autem non nisi Principes, & qui
Majestate possunt. Ernest. Cothmann. *respons. Academ.* i. n. 8. &
377. Limnæ. l. 8. *jur. publ.* c. 1. n. 31. seq. & 36. illi, qua tales in Cleri-
cum ejusque familiam nullum habent jus, nullam Jurisdi-
ctionem. c. *filiis* 16. q. 7. c. 1. X. *de for. comp.* c. cōsuluit X. *de jur. patron.*
Hi verò in ipsum corpus Academicum & singula ipsius mem-
bra summum habent & Jure merito sibi vendicant imperi-
um. Ut adeò Jus patronatus Academiarum, non tam species
sit Juris patronatus in genere ita dicti, quam Juris patrona-
tus regis. Conf. Matth. Steph. *discurs. Academ.* 8. n. 15.

V. Notanter autem dixi de Academiis, quales hodiè
visuntur. Cum enim nulla hodiè earum inter Europæos in-
veniatur, quæ non proprium habeat Magistratum Academi-
cum, propriamque jurisdictionem, cumque omnes certis ci-
vium suorum immunitatibus gaudeant, & insuper singula-
res dignitatum & honorum titulos diribere valeant, quibus
omnibus nunc potissimum Academæ censentur, non pote-
runt sanè ab alio ista proficisci, quam ab eo qui τὸ νύπεον ha-
bet & concedendi facultatem. Et hunc suum statum Aca-
demias seculo demum tertio decimo debere, inter omnes
autem antiquitate antecellere Parisiensem, eruditè ostendit
Dn. Hermann. Conring. *de antiqu. Acad. dissertat.* 3. Solent
autem Academæ communiter hinc Universitates hodiè vo-
cari, quod Professores & studiosi corpus aliquod & velut
Rempublicam constituant, in quâ legibus consuetudinibus,
immunitatibus, libertatibus & jurisdictione ab reliquo civi-
um corpore separatâ utantur, Dn. Carpzov. *in Ip. Consist.* l. 2.
def. 397. n. 3. 4. 5. ita ut vocabulum universitatis κατ' ἐξοχὴν
ad certam aliquam speciem trahatur, cùm alias in significa-
tu famosiori denotet plures cujuscunque conditionis homi-
nes in unum Corpus collectos. Vid. Nicol. Losæum *de jur.*

VI. Cæterum uti diversimode se habent privilegia Academiis concessa: ita & Jurisdictio atque animadverendi in facinorosos potestas non omnibus competit eadem. Hoc certum est, positâ jurisdictione ponî aliquam coercendi potestatem, quia jurisdictione sine modicâ coercitione nulla est, l. 5. ff. de offic. ej. cui mand. est Jurisd. cum aliâs aduersus refractarios omni effectu destituatur. Et hæc coercitio dicitur mixtum imperium, quia hoc genus imperii admixtum est jurisdictioni, & simul Jure Magistratûs competit, ad tuerendam sc: Jurisdictionem & Jus redditum exsequendum. Quam ob causam cohærere jurisdictioni dicitur l. 1. §. ult. ff. de offic. ej. cui mand. & inesse eidem, perinde, ut aliqua potentia seu virtus suo toti potestativo. Per consequens competit etiam Magistratui Academico aliqua vis coercitiva amplior aut restrictior, quatenus Princeps aut qui supremam habet potestatem, permiserit. Est enim mixti imperii quedam latitudo & quidam veluti gradus, quos si non omnes, non tamen omnino nullos Magistratui competere ipsa ejus potestas evincit, cum Magistratus nunquam detur, qui non aliquam habeat vim coercitivam. Sunt tamen quedam Academæ, quæ præter jurisdictionem etiam merum in subditos suos consecutæ sunt imperium, quod de Academia Vienensis refert Middendorpius de Academ. l. 2. de Tbingensi Sichardus ad authent. habita n. 22. de Oxoniensi, Parisiensi & Ingolstadiensi Scipio Gentilis ad d. auth. c. 8. de Salmanticensi Antonius Possevinus l. 1. bibl. c. 8. de Gryphiswaldensi Matth. Steph. de jurisd. l. 3. part. 2. c. 12. Add. Scip. Gentil. l. 3. de jurisdic. c. 17. Limnæus l. 5. de jur. publ. c. 9. n. 33. seqq. Ilic. Ummius de process. dis. 4. n. 66. Sed & add. Petr. Heig. part. 2. q. 11. ubi n. 13. cum Hieronymo Muscorno negat Rectoribus Academiarum merum Imperium tribui posse. Quod an probatum satis dederint, merito licet dubitare.

VII. Quandoquidem igitur tanta hodiè Academiis contigit felicitas, ut rudium imperitorumque hominum, qui

qui plerumque literatis literarumque studiosis minus esse
solent & qui, foro & judiciis eximantur, per se patet, exem-
ptionem eam ab nullo alio proficisci posse, nisi ab eo, qui τὸ
νόμιον tenet in Rep. & vel hoc saltem nomine Academiarum
institutionem hodiè pertinere ad Jura Majestatis. Patet &
hoc, extra territorium suum potestatem istam erigendi Aca-
demias principi non competere. Et hinc porrò, Papam
Romanum non habere potestatem in alienis ditionibus
quicquam constituendi aut determinandi, quod ad studia u-
niversalia quoquo modo facere possit. Limitatum enim
ejus esse, tum in temporalibus, tum in spiritualibus, imperi-
um, antecedentibus exercitationibus abundè ostendimus.

VIII. Sed quid fiet Academiis illis, quæ à solo Pontifi-
ce confirmatæ & privilegiis ornatae sunt, quales adhuc pluri-
mæ in ipsissimâ nostrâ inveniuntur Germaniâ? Enimverò
nolim ego cum Canonistis supremam Pontificis quam cum
Imperatore habeat, adserere potestatem, quod ex c. duo sunt 10
dist. 96. ponit Matthias Stephani de Jurisdict. l. 3. part. 2. c. 2. n.
14. & discurs. Academ. 8. nec tamen nolim etiam pro illegiti-
mis habere Academias eas, quæ Pontifici suam debent ori-
ginem, obstante præsertim totius Imperii observantiâ. Sed
puto Academias autoritate Pontificis errectas hodiè perinde
haberi, ac si per ipsum Imperatorem errectæ & institutæ es-
sent, Dn. Carpzov. in Ip. Consistor. lib. 2. def. 396. n. 7. Dum e-
nim connivet Imperator, & fieri permittit, quod impedire
poterat, consensisse videtur, arg. l. 63. §. scientibus ff. de re ju-
dic. Fulv. Pacianus de probat. l. 1. c. 29. 30. Menoch. 6. præ-
sumpt. 99. Rosenthal. de feud. c. 9. concl. 77. n. 6. 7. 8. Hartmañ.
Pistor. part. 2. q. 7. n. 3. 4. Vincent. Carocc. de locat. part. 2. q.
35. n. 37. Carpzov. l. 6. Respons. 101. Rheinking. de retract. q. 2.
n. 201. seq. quin & multa utilitatis gratia deinceps sustinen-
tur, quæ nullo jure approbante facta sunt. arg. l. Barbarius ff.
de offic. Prætor. Limna. l. 8. Jur. publ. c. 1. n. 43. Accedit, quod
Academæ non ex privilegio tantum in civitatibus orian-
tur, sed etiam ex antiquâ consuetudine, quando sc. civitas
studium publicum habuit tanto tempore, cuius initii me-

mo-



moria hominis non extat in contrarium, uti loquitur Fulv. Pacian. *de probat.* l. 2. c. 41. n. 52. Posito hoc, sufficere puto annos centum, quibus civitas in possessione studii publici fuit. Quanquam enim tempus immemorale seu tempus memoriam hominum excedens accuratè loquendo differat à tempore centenario. Matth. Steph. *de Juris diet.* lib. 2. part. 1. c. 7. n. 145. seq. Carpz. part. 2. const. 1. def. 7. tamen tempus centum annorum plerumque etiam, præsertim in favorabilibus, immemorialis temporis nomine venit, eò quod per illud longissimus vitæ humanæ tractus finiatur. Sichard. *ad tit. C. vetigal. nov. instit.* non poss. n. 6. Dn. Hahn. *Observ. in Wesenbec.* tit. *de usurpat. Et usucap.* n. 7. Joh. Franc. Balbus *de prescript.* part. 2. tert. princ. q. 6. n. 24. Et præsumitur utique Imperator, qui tamdiu studia ibi publicè tractari permisit, jus Academiæ concedere voluisse. Atqui pleræque Academiæ in Germaniâ à Pontificibus Romanis institutæ ætatem centum annorum excedunt, ut adeò nihil noceat, originem earum proficiisci ab illis, qui nullâ tali potestate polluerunt, & tyrannicâ quâdam præsumtione usurparunt.

IX. Undecunque verò tandem, sive à Pontificibus, sive ab antiquâ consuetudine, Academiarum quarundam repetas originem, Principis tamen Majestati derogare per id nequicquam poteris. Sive enim immediatè, sive mediataè suam ille conferat autoritatem, manet tamen, sine Principis voluntate nullam in ipsius territorio subsistere posse Academiam. Et hinc porrò infero, privilegia etiam à Pontifice Academiæ concessa Principis subjacere imperio, ita ut vel approbare eadem, vel revocare pro re natâ possit. Et revocari quidem aut abrogari possunt quandocumq; ea, quæ apertè legi divinæ & naturali repugnant, reliqua tūm demum, quando id jussit necessitas aut utilitas publica, posito hoc, longissimo tempore ea jam fuisse observata, & usu frequenti recepta. De illis enim quæ nunc demum aut de præsenti conceduntur, facilis est decisio, probari ea Principi posse & non posse, utcunque nulla subsit necessitas. Et si probaverit, non valere ea ex concessione Pontificis, sed ex con-

cessione ipsius Principis, quippe qui approbando autor ipsarum extitit, sine quo alias inutiliter darentur. Lucem hinc accipit doctrina Interpretum statuentium, privilegiorum Academicorum interpretationem & conservationem ad solum Imperatorem pertinere, etiamsi Academia à Pontifice sit instituta & privilegiis ornata. Cothman. resp. Acad. 1.n.8. seqq. ob rationem scil. quod Pontifex Imperatoris vicem hac in parte gerat. Matth. Stephan. discurs. Academ. 8.n.10.

X. Illud autem quorundam principium ferendum planè non est, quod Princeps Academiam constituere nequeat, nisi cum consensu Pontificis, & quod Academia à Pontifice non confirmata, pro vera & legitima haberi nequeat. Eniinverò fluit hoc Pontificiorum dogma ex eo, quod Canonistæ Jus constituendi Academias pro Jure spirituali habeant, Bachov. in Treutl. vol. 1. diff. 1. th. 7. & quod ante transactionem Passaviensem Academiarum Episcopis lege diocesana subiectæ fuerunt. Matth. Stephan. discurs. Academ. 1. At verò quam inusta & tyrannica fuerit seculis istis corruptis ante transactionem Passaviensem Jurisdictio Episcopalis, quasi in compendio ostendimus exercitatione præcedente. Nec mirum est, rapuisse ad se Episcopos, & tribuisse ipsis Pontifici, quod alterius erat, cùm hâc ratione difficile redditum sit Principi, in arcana Papismi penetrare, & de regiminis sui periculo commonefieri, id quod inde à primis dominatûs Hildebrandini incunabulis sub spiritualitatis tegumento artificiosè admodum occultarunt Alastores Romani. Nec magis verum est, quod Jus constituendi Academias inter spiritualia sit referendum. Quanquam enim ad Ecclesiam & spiritualia haud superficialis & perfunditorius in eo habeatur respectus, non solus tamen ille est & unicus, neque ipsa potestas propterea illicò evadit spiritualis, quemadmodum neque Jus patronatus, quod tamen ad Ecclesiam proprius ordinatur, spirituale dici potest, sed tantum spirituali annexum. Joh. de Turre cremat. ad c. p. e. mentis 26. cauf. 16. q. 3. Martin. Mager à Schoenberg de advocat. armat. c. 9. n. 521.

XI. Ex eodem fonte fluit, quod omnes Academicci Clericorum ordini accenseri cœperint, ut sc. eò magis exempti essent potestate civili. Et fortè huc facit habitus purpureus, quo passim per omnes Europæ Academias ornari solent Rectores, Cardinalium hæc in parte æmuli. Si enim credendum Onuphrio, Cardinales ideo rubro donantur pileo, ut significetur, eos, qui in illum ordinem leguntur, paratos esse debere, pro libertate Ecclesiasticâ propriam, si opus est, vitam morti exponere. Ex quo haud frustra colligit Dn. Conringius *dissertat.* Academ. s. voluisse Pontifices etiam habitu Rectorali (quem à Pontificibus esse, probabiliter adstruit) non subducere tantum omnem Academicum cœtum imperio Principum, sibiique uni subjicere, sed & animare eundem ad imperia ejusmodi legitima omnia exutienda. Et disputatur etiamnum, neque omni dubio caret, utrum Academæ inter Collegia profana & secularia an Ecclesiastica sint referenda. Prius placuit Curiæ supremæ Parisiensi d. s. Sept. anno 1573. Choppin. *de doman. Franc. l. 3. tit. 27. n. 12.* Posterius plerisque aliis, præsertim iis, qui Pontificis partestuentur. Vid. Limna. l. 8. *jur. publ. c. 1. n. 47.* In terris Evangelicis hodieque Professores pariter & studiosi Jure gaudent personarum Ecclesiasticarum, & idcirco Academæ non tantum Collegiis Canonicis ac Prælaturis accensentur, sed etiam præter Consistorium Ecclesiasticum, nisi aliud quid consuetudine fuerit receptum, aut Principi aliter placuerit, Judicem agnoscent neminem. Dn. Carpzov. *in 7p. Consistor. l. 3. def. 12.* Et hæc tamen exemptione quoad forum multum distat ab exemptione eā, quæ inter Pontificios recepta & introducta est, in primis vero in eo, quod Consistoria à Principe dependeant, & ejus regimini subsint, ut adeò inter Principem & Academias idem adhuc habeatur relationis fundamentum, quod est inter imperantem & subditos, quale vix admittent tyrannidis Episcopalis defensores.

XII. Et hactenus de Jure Academæ constituendæ. Videamus nunc de dignitatibus Academicis, quippe quarum conferendarum potestatem itidem Majestati afferimus:

Vel,

Vel quod intersit Reip. nosse, quibus talis prærogativa conseratur, ut ne indigni privilegiorum participes fiant: Vel quod dignitatum omnium origo penes principem sit, ita ut ex eo & in eum omnes fluant & refluant, tanquam flumina de mari & in mare. Limnæus l. 8. de Jur. publ. c. 8. n. 6. vel deinde, quod autoritate suâ majorem dignitatibus Academicis splendorem accedere principes animadverterent. Cum ergo Ecclesiæ & Reip. maximam semper præstent utilitatem Viri literati, & in illis omne regimen politicum occupetur, potestatem conferendi ejusmodi dignitates & titulos rectè sibi retinuerunt & Juribus Majestatis accensuere Principes, quin & illos ipsos tanti semper habuerunt, ut plurimi iisdem illis ornari non erubuerint. Vid. Herman. Kirchneri Orat. de Ducib. princip. promot. hab. Marpurg. ann. 1606. Christoph. ab Hagen prefat. tr. de usu usur.

XIII. Quo tempore isti dignitatum gradus primùm cœperint, fortè non est, ut hîc prolixè exponatur. Certum est, florentibus Romanorum rebus nec in Græcia, quæ tamen literarum prima semper & præcipua fuit nutrix, nec alibi nostrum hunc creandi Doctores morem obtinuisse, nec alios tunc vel Magistros vel Doctores audivisse, quam qui reverè docerent. Et quanquam sint. qui ex legibus Justinianis, ritum istum jam eâ tempestate invaluisse colligant, quò trahunt l. 2. l. 7. l. 8. C. de Professorib. & Medic. l. Xidipsum tamen infirmis admodum nisi probationibus, & textus istos temerè in partes vocari, eruditè ut solet, ostendit Dn. Herm. Conring, de Antiq. Academ. dissert. 4. ubi post alias probè perspectis & exploratis vestigiis omnibus, hoc tandem pro certo habet, seculo Christiano tertio decimo apud Theologos, Jctos, Medicos, Philosophos homorum titulorumque collationem nostram-usu receptam esse; ante id tempus nihil inveniri, quod fidem eâ de re facere possit, & cui tuto insistere liccat. Conf. Limnæ. de Jur. publ. l. 8. cap. 8. num. 2.

XIV. Quicquid hujus sit, & quæcumque tandem ejus moris inveniantur initia, non potuit tamen ei retinendo

B 2

vel

vel opportunum magis vel magis honorificum existere, quam ipsa Principum, quorum autoritate iste nititur, Majestas & splendor. Insulsum est & insubidum Johannis Molani Scriptoris Pontificii assertum, quod habet *in compend.* *Theol. præt. tr. 5. c. 32.* inanes esse & irritos illos promotionum titulos, qui se ab obedientiâ summi Pontificis retrahent. Quomodo vero inanes, quos ex suâ propriâ potestate confert Princeps? quomodo irritos, quos tantâ cum curâ & sollicitudine decernit? Nec verò solus Papa est, qui dignitates conferendi potestatem habet, sed competit ea etiam Imperatori in terris Imperii, Camill. Gallinius *de V.S. lib. 10. c. 14. n. 8.* & in suo territorio cuilibet Principi alii summum Imperium tenenti, inconsulto Pontifice, imò etiam dissentiente; cùm superioritatem illam, quam in omnes toto terrarum Orbe diffusos Monarchs sibi Papa Romanus sumit, & nullam &, si qua esset, maximè perniciosa plerique nunc agnoscant & execrentur.

XV. Præcipua dignitas videtur esse Doctoratus, quem idcirco summum in unaquaque facultate gradum dicunt. Non autem se quis ante debet Doctorem nominare, quâm adeptus fuerit re ipsa insignia Doctoratus. Camill. Gallinius *d. V.S. lib. 10. c. 35. n. 26.* Jacob Menochius *de Arb. Jud. quest. cas. 379. n. 15. 16.* Quanquam enim in favorabilibus Doctorandi pro Doctoribus habeantur, Sichardus *ad. l. nondum 3. n. 6. C. defurt. & serv. corr.* nomen tamen ipsum antè non merentur, quâm revera id consecuti fuerint, ita ut etiam falsi crimen incurrat, qui dolo se Doctorem mentitur. *arg. l. 27. §. 3. ff. de L. Corn. de fals. & pœnâ arbitrariâ puniri possit.* Jac. Menoch. *de Arb. Jud. Quest. cas. 318. n. 21. & cas. 320. n. 7.* Dn. Carpov. *in prax. crim. part. 2. q. 93. n. 36. 37.*

XVI. Cæterum, quot & quæ requirantur in eo, qui ad dignitatem Doctoratus promoveri discupit, & quæ sint hujus dignitatis propria & determinata insignia, ceremoniae & prærogativæ, prolixè exponit Fulvius Pacianus *de probat. lib. 2. cap. 41.* cui adde Coler. *de process. execut. part. 2. c. 3. n. 135.* Cothmann. *Consil. Academ. resp. 44. n. 36.* Limnæ. *lib. 8. de Jur.*

Jur. publ. c. 8. n. 88. seqq. 115. seqq. Nec verò frivola aut inania sunt ista, quæ hodiè in promotionibus frequentantur, solennia, sed unumquodque eorum significativum est dignitatis concessæ, & vel ideo retinendum, quod veluti characterem quendam spectatoribus imprimat. Imò verò gentibus propè omnibus commune semper fuit, in Ordinum & Collegiorum cooptationibus ritum aliquem adhibere tanquam novi honoris insigne. Petr. Heig. p. 2. q. 11. n. 56. Non tamen necesse est, ut ubique eadem per universas Academias observentur ceremoniæ, aut eadem passim adhibeantur insignia, ita ut pro Doctore habendus propterea non sit, quod in ejus promotione ipsi fortasse nullum datum fuerit osculum, aut annulus, aut biretum. Quia possunt ejusmodi ceremoniæ pro cuiusque Academiæ instituto variare, & ex arbitrio etiam Principis mutari, cum juris positivi illæ sint, & potestati Legislatoriæ quoad ipsam suam substantiam succumbant.

XVII. Quemadmodum autem Doctoratus haud exiguum nomen est, adeò ut Doctor propterea in dignitate constitutus dicatur, Camill. Gallin. *de U. S. l. 10. c. 12. n. 28.* & nobilium privilegiis gaudeat, imò ipse nobilis fiat. Osvald. Hillig. in *Donell. enucl. l. 24. c. 14. lit. N.* Camman. *de regalib. disp. 3. th. 63.* Quirin Kubach *dec. 7. q. 7. cent. 3.* aut saltem nobilibus non postponatur, Rheinking. *de regim. sec. Eccl. l. 1. class. 5. c. 11. n. 29.* sed iis æquiparetur. Marq. Freher. *de infam. l. 3. c. 25. n. 13.* Christoph. ab Hagen. *præfat. tratt. de usur. Dn. Carpz. lib. VI. Repons. 18.* (ubi rectè totam hanc controversiam ita componit, Doctorem esse nobilem titularem in concreto, non nominalem in abstracto. Ein Doctor ist edel/ aber kein Edelmann) Limnaeus *lib. 8. de Jur. publ. c. 8. n. 103. seq.* & propter solum hunc gradum præferatur nonnullis, qui alias eum præcederent, Don Gars. Mastrill. *Decis. 130.* ita angustiores multò per istam gradus prærogativam facti fuere tituli jam olim Theologis, J Ctis, & Medicis tribui soliti. Ita enim Episcopi olim illustribus pares habiti & interspectabiles relati fuere, Henning Gœden *consil. 34. n. 4.* Dionys. Gothofred. *ad l. 21. C. de Episcop. dicunturque rever-*

B 3 ren-

rendissimi l. 18. l. 25. l. 26. l. 33. C. de Episc. religiosissimi l. 28. eod.
l. 19. C. de Episcop. audient. quemadmodum & presbyteri, &
Diaconi, & apocrisarii titulo reverendissimorum ornantur.
Novell. 123. c. 20. & c. 25. Juris Consulti dicti jam diu sunt No-
bilissimi l. 7. C. de postuland. ubitamen vid. Gothofred. Illustres
in procē. Digest. rubric. celsi & honorati l. 2. & 3. C. de offic. di-
vers. judic. interdum egregii, Sichard. ad l. 12. §. in omnibus
C. de R.C. & jur. & passim excelsi, gloriosi, Magnifici, Splen-
didissimi, Clarissimi &c. Limn. de jur. publ. l. 8. c. 4. n. 6. & 7.
Carpzov. part. 1. decis. 7. n. 18. ad exemplum sc. Æmilii Papi-
niani, qui ab Imperatoribus ipsis excelsi l. 6. §. 1, C. de inst. &
subst. §. 7. J. de fideic. excellentis l. un. C. Theod. de Respons prud.
summi l. 1. §. 6. C. de vet. jur. enucl. l. 14. C. de sentent. & inter-
locut. acutissimi ingenii vir & merito ante alias excellens l.
30. C. de fideic. splendidissimus d. l. 1. §. 6. de V. J. E. pruden-
tissimus l. 14. C. de præd. & al. reb. min. l. 12. C. de legat. l. 16. C.
de fideic. consultissimus l. 3. C. de acq. & ret. poss. disertissimus,
l. fin. C. de inst. & subst. appellatur.

XIX. Cæterū Doctoralī hæc dignitas confertur
vel immediate à Principe ipso, vel mediata, & tūm iterum
vel in Academiis per Promotores specialiter in eam rem
constitutos, vel per Comites Palatinos. Qui in Academiis
creantur, omnium habentur dignissimi, & qui dignitatem,
quam impetrant, ornare possint suo merito, eò quod plurim
censuræ & judiciis succumbant, & ex præscripto cum iis
agere oporteat. Quò facit, quod ter examinari debeant,
qui dignitatem hanc ambiunt, Marqv. Freher. de existimat.
lib. 2. c. 3. n. 16, ne sc. non satis probatidici posint, & ne sine
re magna dignitatis nomen subsistat. cùm de substantiâ pro-
movendi sit scientia, & ad Doctoratum pauca, ad Doctorem
verò plurima requirantur, optimè hoc monente Gregorio
XIII. Pontifice ap. Casp. Ens Epidorp. lib. 1. Omnidò enim
cavendum, ne levis & nimium præcipitata fiat promotio, ut
ex Constantiensi Synodo refert Matth. Stephan. de juris-
dict. l. 3. part. 2. c. 14. n. 62. Sed est tamen hoc pessimi seculi
ἀποκύνημα, quod in quam plurimis Academiis, Italicis præ-
ser-

fertim & Gallicis, nullo dignorum & indignorum ferè habito discrimine, amplissimæ literarū dignitates sic in permul-
tos homines, quomodo denari⁹ in cloacā cadat. Thom. Lans.
in Orat. contr. Ital. ita ut passim hodiè reperiantur Doctores,
qui docendi sunt, & è cōtrario scholastici, qui docere possunt.
Joh. Gars. *de expens.* & *meliorat.* c. 4. n. 6. cum tamen inverso
ordine discipulus esse antè debeat, quisquis doctor esse desi-
derat, ut possit docere, quod didicit, c. *ordinatos* 4. *dist.* 59. Et
hinc est, quod Doctores ejusmodi nullo suo merito creati
passim audiant Doctorelli, Doctores necessitatis, quæ legum
nescia est, legum dolores, litium confusores, moneta tonsa,
i.e. sine literis, fontes sine aqua, nebulæ turbinibus agitatæ, a-
fini coronati &c. Angel. *in l. I. §. 3 ff. de postul.* Rebuff. *de nominat.*
q. 21. n. 17. Cuppener *in auth. habita C. ne fil. pro pat.* p. 46. Ventur.
de Valent. in Parthen. litig. l. I. c. II. n. 7. 8. Limnæus *l. 8 de jur. publ.*
c. 8. n. 5. Facetus est in tales Doctores Juris non nemo Poëta-
rum, cuius Epigramma legere non usque adeò hīc fuerit alie-
num. Sic autem ille :

Quod juris utriusq; te' vocaverim
Peritum, honorem ne tibi dari puta,
Unde in solecas atq; sumas cornua:
Peritiorem censeo meam coquam
Et iuscitorum & plurimorumjurium,
Sint illa sive carnium, seupiscium,
Vorare tutantūm, illa & apparare scite.

XIX. Et tolerari quidem posset quodammodo ista
quarundam Academiarum liberalitas, si modo in eos con-
ferretur, qui futurorum de se spem facerent profectum;
cūm licet quis in publico examine repertus fuerit parum do-
ctus, si tamen spes sit, ut possit proficere, possit salvā conscien-
tiā Doctorari, Fulv. Pacian. *de probat.* lib. 2. c. 41. n. 116. Matth.
Stephan. *de jurisd.* lib. 3. part. 2. cap. 14. n. 81. quanquam sententia
ista secundum rigorem Juris examinata non usquequaque

sc

se commendet. At verò eum facere Doctorem , qui nec de præsenti nec de futuro ullum ejus dignitatis præbet meritum, id tantū abest ut excusari possit, ut & Doctor ipse, nō obstante creatione, tanquā sententia lata per impropias probationes rejici, Sichard. ad l.1.C.de testam.milit. n.13. & Professores Academiarū indignum ejusmodi admittentes puniri, Petr. Gregor. de Rep. l. 18. c. 9. n. 9. imò & privilegiis exui possint, c. privilegium n.q.3. Matth. Stephan. de jurisdict.lib.3.part.2. c.14.n.125. Dn. Carpzov. in Jp. Consistor.l.2.def.408. quem optimū huic malo obicem ponendi modum statuit Limnæus in addit. ad lib.8.c.8.n.5. tom.4. quemadmodum & ipse ita creatus Doctor privilegiis Doctorum gaudere nequit. Bened. Bonius de cens. art.56. Jac. Menoch. de A. J. Q. cas 379. n.12.

XX. Qui à Comitibus Palatinis creatur , Doctores, & bullati alias dici solent, minoris plerumque sunt existimationis, ita ut aliqui eos privilegiis Doctorum in Academiis promotorum prorsus exuant, & planè incapaces illorum pronuncient, Menoch. consil.126. n.18. Rutger. Ruland. de commiss.part.1. l.1.c.14. Matth. Coler. de process. execut. part.2.c.3.n.129. Gvid. Pap. in decis. Grationopol. qu.88. & q.338. n.11. Eberh. Speckhahn. cent. n.q.22. Ventur. de Valent. in Parthen. litig. l.1. c.7. n.32. quod tamen, nisi de illis accipias, qui absque examine & eruditionis specimine solo verbo gradum Doctoris consequuntur, cum Jacobo Alemann. consultat. 5. p. 213. & Bachovio in Treutl. vol. 1. disp. 1. tb. 7. lit. A. rectè improbant Treutlerus d. l. Laur. Ohm. de jur. Episcop. n.17. lit. t. Dominic. Arumæus ad aur. Bull. discurs. 1. n. 5. Matth. Stephan. de jurisdict. lib.2. part. 1. c.6. memb.1. n.74. seqq. Quirin. Kubach. cent. 3. dec. 7. q.6. & prolixè Limnæus de jur. publ. l.8. c.8. n.13. seqq. propter paritatem sc. protestatis, quam eandem ab Imperatore accepere, tūm Academæ, tūm Comites Palatini. Præsupponimus autem, promovendum esse bonis moribus & eruditione probè instructum, & id exploratum esse Comiti Palatino per examen præviu, quod adhibitis Doctoribus aliis plerumque tribus præmittere jubet Diploma Cæsareum. Quod si ergò Candidatus dignitati huic idoneus inventus fuerit, nihil est, quod pri-
vile-

vilegiis aliorum Doctorum ipsi interdicere queat, cùm uti díxi, eâdem, quâ Universitates, potestate eum renunciet Comes Palatinus.

XXI. De iis verò, qui à Principe immediate creantur, dubitare licet, utrum inter Doctores in Academiis promotos sint recipiendi aut iis pares habendi? Sanè cum Docturæ non simplex sit dignitas, sicut nobilitas, sed in eruditione fundetur, Bachov. *in Tr. d. l.* injurius erit Princeps in Doctorum ordinem, si talem creaverit, qui nullo suo merito dignitatem istam affectat. Et ferendum non est, quod post Angelum statuit Pacianus *de probat. l. 2. c. 41. n. 13.* de inhabilitate creati per principem disputandum non esse, quia semper intelligatur cum eo super omni maculâ dispensatum. Literæ enim non ita subjacent potestati Principis, ut nudâ declaratione ex non docto doctum facere possit, & ne quidem, ut pro docto habeatur, qui vix prima elementa cuiusque artis degustavit. Est enim verò tota hæc dignitas ex summo, quod Princeps tenet, imperio; sed habet tamen ea perpetuum ad eruditionem promoti respectum, absque quâ si fuerit, personatus tantum erit & histrionicus Doctor. Unde non malè quidam dispensationem Principis circa inhabilitatem subjecti tūm demum admittunt, quando tale concurrit impedimentum, quod possit à Principe tolli, & constet eum scire impedimentum. Anton. Perez *ad tit. Cod. si servus aut libert. ad decur. ad spir. n. 6.* Nec incivile quidem est, aut iniquum, ut Doctor à Principe creatus reliquis Doctribus dignior, sublimior & potentior in prælatione habeatur; sed id tamen ita demum procedit, quando ille cum rigore examinis hunc honorem adeptus fuit, Fulv. Pacian. *d. l. n. 10. II.* Carol. Tapia *ad rubr. ff. de const. Pp. c. 4. n. 119.* & quando in reliquis qualitatibus paritas subest. Ferdinand. Vasqv. *præfat. ad lib. I. n. 136. 137.* Quando ergò quis suo merito ab ipso Principe Doctor creatus fuit, non parem tantum eum habeo Doctribus reliquis in Academiâ renunciatis, sed etiam excelsiorum. Ut verò ille quoque, qui dignitatem hanc non meretur, & nudo titulo superbit, eodem loco habeatur, ne Princeps qui-

C dem

dem, nisi quoad externam prærogativam, jubere potest. Add.
Limnæum de Jur. publ. l. 8. c. 8. n. 9. § 14.

XXII. Proximi à Doctoribus sunt Licentiati, dicti ex eo, quod licentiam Doctoris titulum assumendi consecuti fuerint; quam ipsam alibi solenni actu promotionis, alibi sine solennitate notabili pro cuiusque Academiæ instituto conferre moris est. Qui verè dignitatem hanc impetraverunt, utcumque se Doctores appellare adhuc nequeant juxta ea, quæ supra à nobis dicta sunt, prò Doctoribus tamen plerumque habentur, maximè in favorabilibus, tūm quod cingendus habeatur pro cincto, tūm quod in Licentiato eadem essentialia, videlicet mores & scientia, perinde ut in Doctore requirantur. Matth. Stephan. de Juris dict. l. 3. part. 2. c. 14. n. 98. seq. Conf. Vincent. de Franch. decis. III. quod tamē de iis tantū Licentiatis intelligunt, qui publicâ solennitate renunciati sunt. Limnæus l. 8. c. 8. n. 42. Sed utrum Licentiatus alibi, quam ubi licentiam adeptus est, Doctoris gradum petere possit, disceptant Doctores, uti videre licet apud Menoch. de A.J.Q. cas. 371. n. 16. 17. Min. dan. l. 3. c. 5. n. 12. Wesenbec. ad tit. C. de monopol. ad l. 1. pr. ubi id præcipue offendit, quod putent aliqui, posse Licentiatum alibi Doctoris gradum petere, dum tamen novum subeat examen, etiamsi jurasset, se alibi non sumpturum lauream. Menoch. d. l. Est enimverò juramentum omne, quod non est contra bonos mores obligatorium, Gutierrez de Juram. confirm. c. 34. quia non magis in potestate est hominis impedire, ne Juramentum verâ & seriâ intentione jurandi præstitum obliget, quam est in ejus potestate impedire exustionem domûs vel stupræ, posito quod ei de facto ignem applicet, licet maximè nolit exuri. Andr. de Vaulx in paratit. X. de jurejur. §. 8. n. 1. Nec infringi potest vis Juramenti obligativa per novum, quod subit Licentiatus, examen, cum & illo supersedere possit, & non hoc juraverit, se absque examine prævio nolle alibi lauream petere, sed simpliciter, nolle se lauream alibi petere. Cæterum tota quæstio hùc propriè non pertinet, sed alibi ventilabitur commodius. Conf. interim Limnæus de jur. publ. l. 8. c. 8. n. 43.

XXIII.

XXIII. Transcō ad Magistros, qui & ipsi autoritate ejus, qui Majestatem habet, creantur. Est enim verò nomen Magistri admodum fœcundum, & in genere, quibus præcipua cura rerum incumbit, & qui magis quam cæteri diligentiam & solicitudinem rebus, quibus præfunt, debent, Magistri appellantur *l. 57. ff. de V. S.* De Etymologiâ & notatione vocabuli videri potest Limnæus *de jur. public. l. 8. n. 29.* & *in addit. prior. ibid.* In Jure nostro memorantur Magistri populi, equitum, census, auctionum, epistolarum, libellorum, memoriae, militum, navis, officiorum, societatis, scriniorum, curiae, vestium, admissionum &c. Quin & inter Principum dignitates Magisterium fuisse ex Ammiano Marcellino *lib. 26.* constat. Scholasticis verò, quando id nomen tribuitur, in latiori suo significatu cuiuslibet disciplinæ præceptoribus h. e. doctoribus, præcepta cuiuslibet disciplinæ seu artis explicantibus & docentibus, competit *d. l. 57. de V. S.* neque tamen Doctor aliquando aut Magister dici quis consueverat, nisi idem docendi munus publicum reapse gereret. quò pertinet *l. un. C. de stud. liberalib. lib. XI.* Sed factum tamen deinceps, ut nomen istud in plerisque Academiis, illis tantum adhæreret, qui summum in philosophiâ gradum adepti essent.

XXIV. Apud Lovanienses ut & Parisios & Colonenses Theologiae Doctores *νατ' εξοχὴν* dicuntur Magistri Nostri, quod nomen falsè perstringit Autor Apiarii *part. I. c. 8.* & Erasmus in *Encom. Moria p. m. 244.* Ideò autem ita dici putat Rebuffus *in tract. concord. §. I.* quia communes sint omnium præceptores, tam prædicationibus quam lectionibus gratis inservientes, ad exemplum sc. Ecclesiæ, quæ etiam nostra dici soleret ideò, quia erga neminem suum claudat gremium. Quasi illi, non alii debeant esse nostri Præceptores, nosque præ reliquis illos sequi deceat. Joh. Svevus *ad l. 57. de V. S.* Contendit ibidem Rebuffus, aliarum Facultatum Doctores non debere eo nomine insigniri; ut ita singularis aliqua dignitas per id inferatur, quæ communicari aliis nec possit nec debeat. At enim fruantur illi hoc suo encomio, quoad libet. Nobis comprehendit est, multis id sine merito tribui, & cum quâdam vanitate

tate, quod de suis Coloniensibus ingenuè fatetur Henricus Cornelius Agrippa l. 7. epist. 26.

XXV. Quanquam autem uti jam ante dixi, cuiuslibet Facultatis Doctores & cuiuslibet disciplinæ Præceptores discipulos suos docentes, Magistri dici consueverint, Joh. Goeddæus ad l. 57 ff. de V.S. quemadmodum Sabinus JCtus Magister dicitur l. 19 §. 2. ff. de recept. & Episcopi Magistri Ecclesiæ dicuntur Salviano Epist. ult. factum tamen tandem, ut nomen absolute positum eum denotaret, qui in Philosophiâ gradum sibi supremum comparasset, quod sc. hic præ cæteris studiosam juventutem erudire, & ad altiora habilem reddere debeat. Neque curanda est vana quorundam censura, quibus gradus iste tam abjectus quandoque est & contemptus, ut non ipsi tantum eum deprecentur, sed aliis quoque, ut eo abstineant, autores sunt. Et est quidem ejus rei causa præcipua, quod titulum istum consequantur haud raro, qui planè rudes & literarum ignari sunt, in quos acerbè invehitur Besoldus *in thes. pract. voc. Magist.* sed quod ipsum vitio seculi contingit, & superioribus quoque Facultatibus interdum commune est. Nihilominus tamen qui ita creantur, non aliâ autoritate dignitatem istam obtinent, quam ejus, qui τὸ νύγιον tenet in Republicâ. ut adeò creatio Magistrorum rectè referatur ad regalia majora. Regner. Sixtin. de regalib. lib. 1. c. 2. n. 32. Et in hoc enim Doctoribus æquiparantur Magistri, quippe qui & ipsi Doctores Philosophiæ dicuntur, & supremum in eâ Facultate gradum adepti sunt.

XXVI. Restant Baccalaurei, à baccâ laureâ dicti Alciat. ad l. 57. ff. de V.S. aut à bacillo & baculo, quasi bacularii, non quod illi, qui tyrocinium literarium primum deposuerint, rude hujusmodi donati essent, ut in posterum docendis & baculo coercendis pueris præfici posserent, sed quod primi studii autoritatem, quæ per exhibitionem baculi concepta videtur, jam consecuti essent, ut ita baculi traditio esset quoddam quasi mancipationis signum in hujusmodi aliquod studium. Aut etiam à batuendo, quasi batalarii, sumpto vocabulo ex militia armata. Uti enim Batalarius dicitur is miles

miles, qui jam semel pugnæ, collatis signis interfuit, hostem
batuere & manum cum eo conferere ausus: ita in palæstrâ &
militiâ togatâ Batalarius dicitur, qui publicè de arte quâpi-
am disputavit, inque tentaminis conflictu eruditionis suæ
specimen de se præbuit. Vid. Matth. Stephan. *de jurisdict. lib. 3.*
part. 2. c. 14. n. 107. seqq. Limnaeus *de jur. publ. l. 8. c. 8. n. 15. seqq.*

X XVII. Ut cunque verò Baccalaureatus hæc digni-
tas infima sit & prima, olim tamen Comitum atque Baro-
num ius Ducum & Principum titulis adcrevit. Et non Philo-
sophi tantum, sed superiorum quoque Facultatum Docto-
res in quamplurimis Academiis hoc nomine adscendere vo-
luerunt suos Candidatos. Neque id malè, cùm satius sit, gra-
datim ad honores provehi, & in progressu defectus emenda-
re, quām uno impetu in fastigium ferri, & anxiè ibi inter do-
ctos & cum quādam sui diffidentiâ versari. Cæterū crea-
tionem Baccalaureorum nihil habere Regalium, visum fuit
Hieronymo Treutlero *vol. 1. disp. 1. th. 7. lit. a.* cui tamen contra-
dicit Bachovius *ad eund. & rectè.* Siquidem & hīc autoritas
Imperatoria ut interveniat, necesse est. Et loquuntur cā dē re
privilegia tūm Academiis, tūm Comitibus Palatinis ab Im-
peratoribus concessā, quibus potestas creandi Baccalaureos
disertis verbis inserta est, ut dubitare hac dē re amplius non
liceat. Conf. Limnaeus *de jur. publ. l. 8. c. 8. n. 26.*

X X I X. Cæterū cūm de literatorum præmiis ha-
stenus egerimus, non insubidum hīc erit, Poëtarum quoque
& Notariorum mentionem facere, quippe quorum creatio,
aut potius potestas creandi inter Jura Majestatis eō magis
refertur, quo minus eam Academiis concedere adhuc volue-
runt Imperatores. Nec tamen negari potest, utrosque in pa-
laestris literarum formari, & idoneos reddi, ut saltem hoc re-
spectu eximi Academicorum ordine nequeant.

X X I X. Quod Poëtas concernit, dubium non est,
multūm semper autoritatis eos apud quoscunque literarum
Patronos habuisse. Sic enim etiam JCri quam sæpissimè Ho-
mero & Virgilio testimonium denunciant, eosque in partes
yocant, nempe ubi vel de vocis alicujus significatu agitur, ut

l.65. §.4. ff. de leg. 3. l. non facile §.4. ff. de grad. l. venenum ff. de V.S.
vel ubi de formulis & conceptis verbis res est l. i. §.1. ff. de mort.
caus. don. vel ubi proverbialis locutio usurpatur l. si nixor §.1.
ff. de adulter. vel ubi de more aliquo veteri quæstio est l. i. ff. de
contr. empt. l. 9. ff. de supell. leg. l. aut facta ff. de pœn. Ab aliis tan-
tum ipsis tributum fuit, ut nisi insignis cuiusdam Poëtae testi-
monio verba sua munivissent, frustra se docere persuasum ha-
berent. Fuérunt enim Poëtae ab initio temperantiae atque o-
mnium virtutum Magistri, ut habet Athenæus l. i. c. 12. & ibi
Casaubonus. & vetustissimi Philosophi Græci carmine sua
dogmata proposuerunt, quorum versus subinde adducun-
tur à Plutarcho, Clemente Alexandrino, Sexto Empirico &
aliis. Utcunque enim naturæ convenientius sit, hominem
pedestri uti sermone, sicut etiam ire pedibus quam vehi, ut
scribit Ælius Aristides *oratione in Serapin*; constat tamen ex
Maximo Tyrio, diff. 29. Isidoro l. i. orig. c. 37. Strabone l. i. Plinio
l. 7. c. 56. Apulejo l. 2. floridor. tam apud Græcos quam apud La-
tinos longè antiquorem curam fuisse carminum, quam pro-
fæ, & hujus studium serius viguisse, ab Cadmo, Pherecide &
Hecatæo primum excultum. In vineis autem & à vinitoribus
repertam poësin, saltem Tragicam, eruditè ostendit Dan.
Heinsius in *Horat. de art. poët. p.m.* 192.

XXX. Quicquid hujus sit, id certum est, ab antiquis-
simis temporibus plurimum honoratos fuisse Poëtas, sive
quod sapientiores ceteris crederentur, sive quod propter
singulares afflatus & veluti Enthusiasmos admirationi es-
sent. Unde non statuæ tantum illis positæ, quarum meminit
Pausanias l. 9. sed ipsi etiam variis præmiis decorati fuérunt.
Refert ex Alexandro Ætolo Poëtâ Macrobius l. 5. *Saturn.* c. 22.
magno studio populum Ephesum dedicato Dianæ templo,
curasse præmiis propositis, ut qui tunc erant Poëtae ingenio-
sissimi, in deam carmina componerent. Consimiliter ab Do-
mitiano Imp. institutus fuit agon Capitolinus, ut in eo cum
Poëtae, tum histiones, Scenici, & omne genus artifices, ludo-
rum Olympicorum exemplo certarent, in quo qui vicissent,
queru coronabantur, quam ex hinc Juvenalis Capitolinam

v.O-

vocat, Martialis Tarpejam, Ausonius Olympiam. Et ex Capitolino hoc agone rituque coronandi, laureatorum Poëtarum ordinem initium cepisse, notat Josephus Scaliger l.i. Auson. Lect. cap. 10. quanquam ex Horatii quibusdam locis longè antiquior iste videatur ritus, uti colligere licet ex lib. 1. Od. 1. lib. 3. Od. ult. lib. 4. Od. 2. & aliis pluribus, nisi fortè primo Imperatorum Domitiano potestatem hanc sumptam, aut præter cæteros eximium in modum exercitam dicas, quod aliis discutiendum relinqu.

XXXI. Plerumque tamen Poëtæ hederâ lauro intertextâ coronabantur, velut innuerent, per laurum quidem, insitam venæ fœcunditatem, per hederam, artem ac pervigilem industriam. Henr. Salmuth in Pancirol. part. 1. tit. de Coron. vel quod Poëtæ non minus in Bacchi, quam Apollinis essent tutelâ cum & Bacchus deus sit Poëtarum, Taubmann. in Culic. Virgil. p. 75. imò fortè magis quam Apollo, vel denique ideo hedera adhibebatur, quod ut ederæ folia commanducata agant homines in furoris quandam speciem, ita Poëtis motus est quidam divinus, quo agitati sàpè furibundis similes ea canunt, quæ ad se reversi vix asséquuntur. Jacob. Cruqv. in Od. 2. lib. 1. Horat. Est enim Poëta res levis, volatilis, atque sacra, nec canere prius potest, quam deo plenus, & extra se positus, & à mente alienatus sit. Nam quamdiu mente quis valet, nec fingere carmina nec dare oracula cuiquam potest, uti ex Platone refert Janus Huartus in Scrutin. Ingen. p. 52.

XXXII. Cœpit ita uti diximus Jus Coronandi Poëtas ad Imperatores devolvi, (ante Domitianum enim Poëtis coronas undecunque venisse, Virgilius testis esse potest, qui à Pastoribus coronari vult Poetam, Eclog. 7.) vel quod Imperatoria præmia divini spiritus mererentur, vel quod populus ab iis penderet, & hinc Demagogia quædam metuenda esset, vel denique ut eò magis sibi caverent Principes ab eorum mordacitate. Fuit enim verò solenne hoc Poëtis ab antiquissimis usque temporibus, ut quidlibet audendi, & maximos minimos perstringendi sibi sumerent potestatem. Jac. Middendorp. de acad. l.i. tit. de poës. Cumque ipsis impune id esse

esse semper non posset, (propter legem XII. tabb. quæ carmen famosum acerbè vindicabat, & Poetarum ingeniis vitam hominū subjectam nolebat,) atq; Principes & Magistrat⁹ paulò severiores interdū existerent, figuratē tandem illi, & cū quadam dissimulatione loqui atq; hinc ~~éπαυθοτηγεν~~ cœpērunt. Hoc enim occultum atq; ambiguū dicendi genus sub Tyrannis invaluit, unicum, quo veteres mordacitatem suam ac dīcitatēm involvebant, velum & mucronis sic reconditi vagina. quod ipsum tamen plurimis pessimè successisse aliquot exemplis ostendit Dan. Heinsius de *Sat. Horat.* lib. 1. p. m. 68. Ut ergo flagella hæc evitarent Principes, & apud Poetas gratiam inirent, ne apud posteros fortè traducerentur, cum & post mortem metuendi essent Poëtæ, à se tantum recognosci lauream Poëticam voluerunt, & ex hoc factum deinceps, ut pro veritatis Professoribus (ita enim Homerum ~~δεύτερον δότο αλλαγέας~~ vocārunt Philosophi) meri crearentur adulatores, parasiti, nūgatores, & ineptissimi versuum concinnatores, digni profecto, in quorum capitibus Aulici ollas frangant.

XXXIII. Et has quidem rationes iis temporibus, quibus Tyranni Imperium tenuerunt, optimè convenire, probabiliter dici potest. At verò cùm per aliquot secula deinceps densissima barbaries omnem Musarum suavitatem exclusisset, Poëseos quoque & eloquentiæ inductum fuit exilium, totam simul eam coronandi ceremoniam planè obliterans & ex animis aut memoriâ hominum quasi eripiens. Nullibi carmen suis constabat partibus, nisi quod bis terque in eandem syllabam caderet. Orationum periodos vel absonta verborum germinatio, vel inepta subtilitas implebat, & si qua occurrebant vel ex antiquis morib⁹ vel ex prisci ævi memoriâ, rebusque gestis, ea nunc omittebant fœdissimâ ignoratione, nunc ad sui seculi rationem detorta fictitiis sensibus corrumpebant. Barclai. in *Euphor. part. I. p. 114.* Nec potuit impéritia ista & luctuosa ingeniorum tempestas tolli & cessare prius, quam Franciscus Petrarcha quarto decimo seculo signum tolleret ad literaturam politiorem, Voss. l. 3. de *Histor. Lat.* p. 524. Primus ille exulanter humanitatem restituit, cumque ignotum jam penè

penè esset nomen Poëtæ, morem ab aliquot seculis desvæfatum, ut loquitur Taubmannus *de Ling. Lat.* p. 99. revocavit, & laurum poeticam, noviter à se repartam primus sibi ipse petiit, eamque in Capitolio Romano magnificè impetravit. Ideò autem fortè in Capitolio, quia Capitolino certamine Poëtæ laureâ donari consuevissent. Sabellic. l. 8. Ennead. 9. Factum id anno Domini MCCCXXXVIII, uti habet Platina in *vita Benedicti XII*, & Nauclerus vol. 2. Generat. 45. fol. 251. 252. aut MCCCXXXIX, uti habet Calvisius in *Chronol.* aut MCCCXL. uti Sabellicus d. l. aut etiam MCCCXLI. uti in *vita Petrarchæ Italico* idiomate ab Alexandro Velutello conscriptâ legitur.

XXXIV. Eo vero tempore jam tūm introducti fuerant in Academiis gradūs dignitatum & promotionum, ut verosimile sit, tām ad pristinum coronationis ritū, quām ad has ipsas dignitates Academicas respexisse Petrarcham, & cūm aliis facultatibus non deessent præmia & honores, doluisse, quod literæ humaniores talibus destituerentur. Restituit ergò unā cum literis istis morem antiquum, qui jam totus intercederat, quique ipsis etiam Coronatoribus suis ignotus erat, primusque, ut fuit indagator studiosissimus, rem oblivione sepultam ævo suo resuscitavit, atque ut in posterum quoque memoria ejus extaret, exemplo suo effecit. In quam rem non pigebit integra hīc legere verba privilegii, quod ab Urso Anguillaria Comite in cā solennitate accepit Petrarcha. Ea hæc sunt: *Hoc nempè Poëticum decus et ate nostrā, quod dolentes referimus, incertum quā seu ingeniorum tarditate, seu temporum malitiā usque adeò oblitum esse videmus, ut etiam quod per ipsum Poëtæ nomen importetur, penè incognitum nostris hominibus habeatur. Sanè autem Poetas egregios in morem triumphantium accepimus in Capitolio coronari: Usque adeò & in desuetudinem abiit nobis illa solennitas, ut jam à mille trecentis annis (facile ignoscimus aut Petrarchæ aut Anguillaria Comiti lapsūm hunc in re ævo isti minus clarā. Vix enim est, ut tanto tempore ritum istum interquievisse quis putet, cūm diutius duraverint agones Capitolini, siue eos sexaginta*

D ta

ta numeres & Constantium M. cum Licinio Consule sexagesimum celebrasie dicas cum Onuphrio, uti ex eo nota: Raderus ad Martial. fol. 615. sive quadraginta saltem, cum Calvisio ad ann. post Chr. Nat. 242.) nullum ibi legamus tali honore decoratum. Quod excogitans ingeniosus Vir & talium studiorum ab adolescentia scrutator ardentissimus Franciscus Petrarcha, Florentinus, Poeta, Historicus, præsertim tempore præsenti succurrentum ratus, quo neglecta magis erat ab hominibus & deserta, post auctorum volumina diligentis primùm indagine non incognita relicta, deinde post propria propriae ingenii opera, Historiarum præcipue & poematum, quorum partem adhuc habet in manibus, honesto laurea & flagrans desiderio, non tam propter gloriam, sicut idem in nostra & Pop. Rom præsentia professus est, quam ut ad simile desiderium studiorum omnium animos irritaret, quamvis ad hunc ipsum honorem alibi suscipiendum studiis atque Urbibus evocatus: (qui vitam Petrarchæ Italico idiomate conscripsit, Alexand. Velutellus, invitatum eum dicit tum à Senatu Rom. tum ab Academ. Parisiensi, tum deniq; ab Roberto Rege Siciliæ, ab singulis specialiter, ut laurum apud se & in suâ Terrâ imponi pateretur) tractus tamen memoriam reliquorum Poetarum, nec non affectu atque reverentia hujus SS. Urbis, cuius cum semper constat fuisse ferventissimum amatorem, post habitis aliorum precibus, decrevit huc potissimum, ubi ante eum laureatos esse meminerat, se conferre.

XXXV. Ab eo tempore instituta videtur quinta quædam Facultas, Poëtica sc. quæ nō modò pangendi carminis, sed & Historiæ scribendæ peritiam, &c. ut summatim dicam, omnem eloquentiæ apparatum ambitu suo completeretur. Et separatam quidem eam ab reliquis quatuor fuisse, saltem iis temporibus, ipse Genius cuiusque & natura ostendit, dum illas quidem densa styli barbaries occupasset, hanc solam Romanæ linguæ qualiscunque elegantia reviviscentis decoraret. Vicissim autem hoc habuit cum reliquis commune

mune, quod & prævium admiserit examen (quale etiam cum
Petrarcha per integrum triduum instituit ipse Robertus Rex
Siciliæ, quippe quo doctior eo tempore in hoc studiorū gene-
re fuit nemo) & privilegio quoq; planè simili suos ornaverit
promotos. Digna sunt iterū, quæ hīc legantur, verba Privile-
giī Petrarchæ cōcessi ex ipso diplamate Comitis Anguillariae:
Præfatum Franciscum tam dicti Regis (Siciliæ, Roberti)
quam nostri populario nomine magnum Poetam & Histori-
cum declaramus, præclaro Magisterii nomine insignimus, &
in signum specialiter Poesis, Nos Ursus Comes & Senator præ-
fatus pro nobis & Collega nostro Coronam lauream nostris ma-
nibus ejus capiti impressimus, dantes eidem tam in dicta arte
Poetica, quam in dicta historicâ arte, atque in omnibus spe-
cialibus ad easdem, autoritate præfati Domini Regis, S. P.
Q. R. tam in hac sanctissima Urbe (quam omnium Urbium
caput esse non ambigitur, & magistrum) quam alibi cunque
locorum legendi, disputandi, atque interpretandi veterum
Scripturas, & novos à scipso, omnibus seculis auxiliante DEO
mansuros libros & poemata componendi, liberam tenore præ-
sentium potestatem.

XXXVI. Patet hinc, ab altiore manu & autoritate
publica laurum accipere voluisse Petrarcham ; potestatem
tamen istam conferendi inter Regalia illicò relatam, aut
pro Jure Majestatis habitam, non ausim confidenter affirmare. Quid enim Majestatis Roberto Regi Siciliæ in Urbe Ro-
mâ competisse dicamus ? quid porrò Senatui aut populo
Romano ? præsertim cum eo tempore contra Imperatores
ex Hildebrandino fastu strenue insurrexerint Pontifices, nec
paterentur potestatem suam in Urbe Româ, ut cunque Ave-
nione persisterent, imminui. Quicquid tamen sit de Roberto
Rege, cui fortè hoc concessum, quod Pontificis partes con-
tra Ludovicum Bavaram sustinuisset, videtur nihilominus
ipse etiam Ursus Comes tali potestate instructus fuisse, quâ
regalia exercere licuerit. Refert Platina in vita Benedicti XII.

Pontificem misso in Italiam Legato Senatui populoque Romano persuasisse, ut Senatoriam dignitatem, quam diu regio nomine gesserant, suis tandem & Ecclesiæ auspiciis administrarent. Hanc ob rem & Stephano Columnæ senatoriam dignitatem prorogatam fuisse, & Collegam ei datum Ursum Anguillariæ Comitem. Ipsum hunc Columnam & ejus Collegam paulò ante Imperatoris Vicarios appellaverat, *in vir. Job. XXIII.* Cujuscunque verò vices sustinuerint illi, sive Papæ, qui Majestatis Jura sibi de facto vindicabat, sive Imperatoris, cui verè competebant, non erit absurdum dicere, à Majestate dignitatem hanc Petrarchæ obvenisse, & populi Romani nomen in speciem tantum, & juxta antiquas formulas adhibitum fuisse.

XXXVII. Quemadmodum igitur reliquarum quatuor Facultatum dignitates ad principale culmen & Majestatem Regiam referri cœperunt: ita quintæ etiam hujus præmia ab eâdem expectari similis ratio jussit, ut adeò necesse non sit, ejus rei causas cum Scaligero ex illa Domitia ni aut etiam antiquiore ætate eruere, aut ad rationes istas, quibus primos Imperatores moveri potuisse diximus, recurrere, atque adeò ex arce Tyrannicâ ejus originem accessere. quin satius erit intra Petrarchæ, qui primus nostro more coronatus memoratur, seculum subsistere, cum nec diffiteri possimus, summam cum aliis Academicis gradibus cognationem habere laurum poëticam & illos vicissim cum lauru. Sic enim & Salerni Doctoribus laureas coronas imponi, qui idcirco Doctores laureati dicantur, Camillus Borellus prodidit, *i.e. de Magistr. edict. c. 8. n. 110.*

XXXIX. Illud tamen mirum adhuc videri alicui posset, quare Academiis non perinde data sit potestas conferendæ laurus Poeticæ, atque data est potestas creandi Doctores, Licentiatos &c. Ejus verò rei ratio peti videtur posse exinde, quod ægrè ferrent Academiæ, per quintam illam Facultatem ceteras quasi cogi in ordinem elegantioris literaturæ, cum inficeta ista secula barbarie se exonerare nondum possent, & illam verborum curam planè deridiculo haberent. Fuit enim verò

verò illâ tempestate, uti loquitur Squarzafichus *in vitâ Petrar-
chæ*, Poeticum nomen ita invisum, ut, qui illa studia sequere-
tur, magum, fortilegum & hæreticum esse dicent. Quid mi-
rum igitur, quod recusantib. Academiis illam quintam facul-
tatem, imò etiam persequentibus hostiliter penes Imperato-
res aut Reges ea potestas resederit? Sed est tamen deinceps ea
nonnullis quoque communicata Academiis. Ita enim Maxi-
milianus I. Imp. anno MD LI. in Academiâ Viennensi pecu-
liare instituit Collegium Poeticum veluti quintam Facultatem,
eique præter alia etiam privilegium creandi Poetas concessit.
Vid. Poet. Giessens. *in præfat.* Simile quid de Argentoratensi &
Altorfina fertur... Nec dubito, facilè id aliis etiam permitti
posse (præsertim cùm Philosophia elegantius hodiè incedat, &
eloquentiæ tām inimica amplius non sit, ut potius Poesin am-
bitu suo nunc complectatur) nisi mori jam inveterato obtem-
perare cuilibet magis placeret. Et hactenus quidem de Poë-
tis, quæ ita per mutuas velitationes & eruditum commercium
cum Viro quodam Clarissimo, Amico nostro veteri investiga-
re licuit, præsertim cùm primâ facie vix appareret, quid inter-
esset Majestatis, coronâ donari hominem sibi tantum & Musis,
aut etiam Amasiae suæ canentem, aliorum autem hominum
aures festivis plerumque nugamentis & ridiculis fabulis de-
mulcentem, cæteroqui inglorium opinione vulgi, & suâ tan-
tum *φιλαυτίᾳ* ut plurimum se sustentantem. Quæ tamen o-
mnia illis ferè competit, qui titulo tantum & nuncupatione
Poetæ sunt, cùm verum adhuc inveniatur illud, quod laurigeri
multi, pauci vero existant Phœbi. Illud nescio utrum ad sto-
machum Poetarum faciat, quod Trajanus Boccalinus alicubi
monet, nullis aut mediocribus Poetas debere coli præmiis. vi-
ctum & vestem illis sufficere, ex abundantia bonorum corpo-
ris existere penuriam bonorum animi. ex ocio eos marcere...
Quemadmodum nimia in gallinis obesitas eas reddit infœcun-
das; ita Poetas deliciis & ocio corrumpi. Poetas denique non
naturâ ut canes, sed fame coactos velut astures & faltones ve-
natum ire. Sed totum hoc Boccalini consilium vereor ut lo-
cum invenire possit, nisi Poetas mihi singas planè à se alienos,

& communi eorum naturæ reluctantes. Αναπνα γὰρ αἰσθοτοι
γίουλη. Vid Casaub. in Athene. c. 8.

XXXIX. Jam ad Notarios, de quibus minus dubium
est, eorum creationem inter Regalia referri oportere, Novell.
44. c. 1. in fin. Potestatem enim sive autoritatem tribuere alicui,
ut corio, cui inscripsit, mortui animalis, uti loquitur Aymo
Cravett. cons. 56. in fin. sive potius Scripturæ in eo contentæ, u-
ti mayult Camillus Borellus l. 2. decis. tit. 18. n. 95. plenâ fide
credatur, non nisi illius est, qui summam & absolutam in pro-
vinciâ tenet potestatem. Jacob. Bornit. de instrument. lib. 2. c. 13.
ideoq; nec ab alio creari potest Notarius, quam à Principe, aut
ab eo, cui Princeps permisit. Anton. Fab. Cod. lib. 4. tit. 16. def.
n. n. 2. Jac. Mehoch. lib. 2. presumpt. 77. n. 8. Elbert. Leonin. e-
mendat. lib. 4. c. 13. n. 17. Hinc igitur non Imperatori tantum,
& Pontifici potestas ista competit, sed & Regibus & Principi-
bus aliis superiorem non agnoscentibus, uti Regi Hispan. tūm
domi, tūm in Regno Neapolitano & Siculo. Eodem jure
creant Notarios Republicæ Venetorum, Genuensium, Lucen-
sium, Ragusinorum, Duces Sabaudiaæ, Florentiæ, Mantuaæ, Ur-
bini, Mutinæ, aliique plures. Camill. Borell. d. l. n. 100. Joh.
Petr. de Ferrar. in prax. tit. 13. gloss. 3. n. 7. Joh. Baptist. Asinius
in practic. civil. part. 2. §. 3. c. 20. n. 4.

XL. Nec quisquam mihi hîc regerat, indignum id vide-
ri majestate Imperantium, cum vile & abjectum sit officium
Notariorum, & ad servos olim pertinuerit, quò trahunt l. 18.
ff. de adopt. l. 2 ff. rem pup. salv. for. l. 1. §. 15. ff. de magistrat. con-
ven. nec dignitatem aut honoris gradum sibi habeat adjun-
ctum, uti disputant Angelus & Caspar Caballinus apud Gabri-
el. Palæott. de notb. & spur. cap. 56. n. 1. 2. Sanè Notarii, Tabu-
larii, Tabelliones & servi publici quibusdam Jctis pro iisdem
habentur, nec diffiteor, sequioribus posteriorum Imperato-
rum temporibus parum distinctos fuisse tabelliones à tabula-
riis, quæ tamen vocabula in gratiam eorum, quos hodiè Nota-
rios dicimus, accuratè secernere operæ erit precium.

XLI. Et Notarios quidem inter servos fuisse constat
ex l. 3. C. commun. de legat. in pr. l. 1. §. 5. C. de comm. serv. ma-
num.

num. eosque dictos ita; quod per notas quasdam sive ab ipso
Mæcenate, uti vult Dio Cassius, sive ab Aquilâ Mæcenatis li-
berto, uti vult Isidorus, primum inventas dicentiū verba vèlo-
cissimè exciperent. Manil. *astron. lib. 4.* Senec. *epist. 90.* Alii tamē
ab his fuére Notarii Principis, quos in dignitate & sub primice-
rio constitutos arguit tot. tit. *Cod. de primicer. & secundicer.*
& Notar. lib. XII.

XLII. De Tabulariis verò res tam clara non est, utcun-
que aliqui indistinctè eos servos fuisse autem. Erant autem
Tabularii, qui civitatum aut provinciarum chartas tractabant,
l. 3. C. de tabular. l. 3. §. 2. ff. de tab. exhib. quique publicas ra-
tiones suppatabant *l. 1. & l. 7. C. de exact. trib. l. 2. C. de nume-*
rar. lib. XII. l. 1. C. de immun. nem. conced. l. 1. C. de censib. Joh.
Coras. *l. 3. miscel. c. 11.* quemadmodum & locus ipse, ubi ejus-
modi chartæ asservabantur, quem archivum hodiè dicimus,
tabularium olim dicebatur, Marcell. Donat. in *Ammian. Mar-*
cellin. p. 849. Laurent. Pignor. *de serv. p. 153.* Eos verò liberas
fuisse personas arguit tūm *l. ult. ff. si mens. fals. mod. dix.* quip-
pe ex quā actio in tabularium civilis & pecuniaria datur, qua-
lis tamen in servum neque ex contractu neque ex delicto com-
petit, tūm *l. 2. Cod. Theodos. de tabular.* quæ illos in Decurio-
num ordinem evehì permittit, quod tamen neque servis neque
libertis olim, nisi hi jus aureorum annulorum adepti, aut na-
talibus restituti fuissent, concessum erat. *l. 1. & 2. C. si serv. aut*
libert. ad decur. ad spir. E contrario servos eos fuisse, non insu-
bidè colligitur ex *l. 3. C. de serv. Reip. manum.* & quod disertè
Arcadius & Honorius Impp. servos ad tabulariorum officium
in posterū promoveri prohibuerint, *l. 3. C. de tabular. & scrib.*
ut jam taceam, per servos publicos ab Interpretibus plerumque
intelligi tabularios. Ex hoc legum dissensi non video quo-
modo eluctari aliàs liceat, nisi dicamus, tabulariorum id mu-
nus & ab liberis fuisse administratum & à servis, quat. sc: uni-
cuique civitati aut ordini libuerit, cùm præsertim inter digni-
tates munus ejusmodi relatum nullibi reperiatur, nisi forte ex-
ceperis illos, qui Palatini ministerii portio erant non conte-
mnenda, tabularios videlicet Augustorum vel Augustarum,

ratio-

rationis patrimonii, Fisci Alexandrini, &c. de quibus Lauren-
tius Pignorius *de serv. p. 153.*

XLIII. Ab his autem planè alii adhuc erant Tabellio-
nes, Justus Meyer *in Colleg. Argent. tit. de fid. instrum. n. 4.* quip-
pe qui circa privatorum conventiones versabantur, easque in
instrumentum publicum referebant, & auctoritate donabant
I. 21. C. ad L. Corn. defals. Novell. 44. ubi disertè distinguuntur
Tabulari & tabelliones. Suidas: Ταβελλιῶν, ὁ τὰ τῆς πόλε-
ως γράφων συμβόλαιον, ὁ τῷδε τοῖς πολλοῖς νομικὸς λεγόμενος,
ἄπαντα οὐπολῶν Γέπων πολιτῶν γραμματεῖα. ἐκαστον αὐτῶν
οἰκεῖοις ΦίσιΦρεσιζων γράμματα. Hos autem Servos fuis-
se nullibi me legisse memini, & in hoc quoque, quod liberi fue-
rint, à Tabulariis solent distingui. Anton. Perez. *Cod. de tabu-
lar. n. II.* qui tamen in hanc rem frustra citat *I. 2. Cod. Theodos.*
de tabular. quippe quæ expressè de Tabulariis agit. Magis
huc facit Novella Leonis *ῳδὶ πολιτικῶν σωματείων Διατάξε-*
ων, cuius meminit Cujacius *in I. 15. C. de Decurion.* ex quâ intel-
ligitur fuisse certum Tabellionum corpus sub primicerio, à
quo ex Collegii sententiâ tabelliones alii creati sunt. Creatio-
nem ita factam insinuatam fuisse Præfecto Urbi, Creatoribus
jurantibus se nec ambitione, nec gratiâ ullâ, sed solâ virtutis
conscientiâ ad novi Tabellionis electionem adductos, atque
ita in Secretario Præfecti Urbi annuli signatorii oblatione ejus
promotionem fieri. Duci autem eum ad Præfectum Urbi in-
dutum ephestride ac deinde promotione factâ ad templum, cæ-
teris tabellionibus eadem indumenta gerentibus, ibique pro
ephestride ei à Sacerdote dari album *Φελώνιον* superdictâ pre-
ce, ad extremum licuisse *συμποσιάζειν μετὰ τῶν συμπαρόντων*
καὶ οὐνευΦεαίνεσθ, quæ omnia totidem verbis refert Cujaci-
us, ubi addit, de tabulariis quidem loqui eam novellam, sed id
factum ex mutatione vocabulorum posterioris ævi, cùm o-
mnino in libris nostris tabularii planè alii fuerint. Sanè ritûs
istos, quos in Tabellionum creatione adhibitos fuisse dixi-
mus, ad servilis conditionis homines referre vix ausim.

XLIV. Servi denique publici dicebantur, qui publico
are empti publicis quoque officiis destinati erant. Et hinc
igitur Magistratibus eos apparuisse, Viatorum & Lictorum,
quan-

quandoque etiam Scribarum functos fuisse officio, custodias asservasse, pro stipulari neque auctibus stipulatos fuisse, pecuniam publicam a debitoribus exigisse, ad balneum, ad purgationes Cloacarum, ad munitiones viarum adhibitos fuisse, quin & sacra quandoque curasse, non nostri tantum, sed & Historiorum & humanitatis Professorum satis copiosè recensent libri, Vid. Laurent. Pignorius *de serv.* p. 35. seq. Robert. Donaldson. *Synops. Oeconom.* p. 267. & sub his comprehensi etiam fuere illi, qui servilis conditionis erant, tabularii.

XLV. Si jam queratur, quosnam inter hos Notariis nostris comparare velimus, parata nobis est responsio, Tabellionibus id videlicet competere. At si istud, nunquam mihi servos facies notarios; nec vile proinde aut abjectum erit ipsorum officium, ut juribus Majestatis subjici nequeat. Et Notarios, quales hodiè dicuntur, non esse, imo nunquam fuisse servos, nobiscum sentiunt Andr. Tiraquellus *de nobil.* c. 30. n. 9. Franciscus Cardinalis Mantica *Lectio brat. Vatican.* l. 14. tit. 26. n. 3. 4. Didac. Covarruv. *pract. quest.* 19. n. 5. Quod enim Notarii communiter dici soleant servi publici, factum ideo, vel quod non satis distinguerentur vocabula Tabellionis & Tabularii, vel, uti Accursius censuit, quia publicè serviunt, in publicis privatisque negociis acta & rationes conscribendo. quamquam id non placeat Nicolo Antonio Gravatio *in not. ad Octavianum Vestrum praxin.* l. 2. c. ult.

XLVI. Quicquid sit, dignitatem aliquam muneri isti hodiè inesse, nemo facilè negabit. Bachov. *ad Trent.* vol. I. disp. 8. th. 8. lit. D. eamque ab ipsa autoritate Imperatoriâ aut principali arcessi debere, in aprico est. Unde & in quibusdam civitatibus Italæ Tabellionatus officium non dedignantur Nobiles, uti de Bononiensibus & Lucensisbus refert Cæsar Barz. *decis.* 50. n. 12. Et quî verò dignitatem non habeant, qui jurisditionis quandam tenere dicuntur partem, eam sc. quæ ad voluntariam vulgo referri consuevit, & sine strepitu expediri potest? Regner. Sixtin. *de Regalib.* lib. 2. c. 15. n. 12. Joh. Aloys. Riccius *decis.* 1196. Robert. Marant. *de ord. iudic. part.* 4. *dist.* 18. n. 2. & 3. propter quæ etiam judices chartularii vulgo vocantur,

E

Gail.

Gail. l. i. *Observ.* n. 13. Menoch. l. 2. *præsumt.* 78. dum tamen re-vera judices simul creati fuerint, cum esse judex non causetur ab officio Notariatūs. Sig. Scaccia *de judic.* l. i. c. 61. n. 15. *vers:*
Secundo, Carol. de Grassis *de except.* in *prælud.* n. 14. Hac autem dignitate ipsis collatā, uti quidem conferri simul ut plurimūm solet, & appellations ab eis recipi possunt, & protestationes; quemadmodum & testium examina perinde ut apud judicem Ordinarium, magno cum emolumento apud eos quandoque instituuntur. Jac. Bornit. l. 2. *de instrum.* c. 17.

XLVII. Utcunq; verò ista talia ab iis peragi posse non dif-fitear, tota tamen ea, quam tantoperè jactitant, jurisdictione, aut exigua mihi videtur aut omnino nulla. Et ita jurisdictionem notariis planè denegant Jacobus Mandellus *ad l. fin. ff. de jurisd.* omn. jud. n. 10. Barthol. Musculus *de success. convent. class. 1.* membr. 3. n. 66. Non malè, nî fallor, eò quod melioris tantū probationis causā eorum autoritas requiratur, ut ita non tam in jurisdictione, quām in fide totum eorum officium consistat. Tan-ta tamen hinc eorū est autoritas, ut sicubi ab aliquo tali instrumentum factum fuerit, quod ego tibi ad certum diem solutionē promiserim, instrumentum istud vim sententiae habeat & execu-tionem paratam. Sichard. *ad l. fin. C. de edit. D. Hadriani toll.* n. 15. tantaque illis à quibusdam habetur fides, ut unus duabus aut etiam tribus aliis personis æquiparetur. uti post Panormitanum in c. quoniam X. *de probat.* statuunt Thomas Grammaticus *decis.* Neapolitan. 60. n. 11. Mascard. *de probat. conclus.* 1099. n. 3. Camill. Borell. lib. 2. tit. 18. n. 150. & 213. M. Ant. de Amat. *decis.* 7. n. 4. Joh. Althus. *Dicæolog.* l. i. c. 51. n. 6, quod tamen haud temerè sollicitat Jac. Menochius *de A. J. Q. cas.* 105. n. 39. cum difficile sit, imò iniquum, testium duorum omni exceptione majorum fidem unius hominis testimonio elevari. Sed & minus valet asser-tio Notarii, quando non ut tabellio, sed ut testis asserit, Barn. Cornazzan. *decis.* 42. n. 6. Alvar. Valasc. *consult.* 89. n. 3. quanquā id non negem, in dubio Notarii alicujus testimonium præferri debere cæteris paribus alterius non Notarii depositioni, quæ vi-detur etiam esse sententia Mascardi *d. l.* n. 4. quia pro Notario semper est præsumtio, & creato Notario dicitur creatum quo-dam-

dammodo unum oraculum veritatis. Cæs. Barzius *decis.* 50. n. 9.
Conf. Gvid. Pap. *decis.* 540. Didac. Covarruv. *l. 2. resol. c. 13. n.*
10. seq.

XLVIII. Potuissent hæc omitti, nisi facerent ad explicatio-
nem ejus, quod ante diximus, Instrumentum Notarii totam eā
vīm, quam habet, à superiori potestate accipere. Non potest igitur
Notarius creari, nisi ab eo, qui legis ferendæ habet potesta-
tem. Didac. Covarruv. *præt. quest. 19. n. 9.* quā ratione negamus,
Ducibus, Comitibus & Baronibus potestatem eos creandi com-
petere, Paris de Puteo *de syndicat. cap. de excessib. Baron.* n. 9. &
13. frustra id post alios afferente Petro Anton. de Petra *de potest.*
Princip. c. 15. n. 59. Tametsi ergo actuarii judiciorum & Secre-
tarii in Curiis quandoque dicantur Notarii, tales tamen revera-
nō sunt, eorumq; fides tantūm intra terminos judicii illius con-
cluditur, Jacob. Bornit. *de fid. instrum. l. 2. c. 13.* Consequens hinc
est porrò, instrumenti faciendi potestatem nemini competere,
nisi qui solenniter Notarius creatus est, adeoque nec Docto-
rem quidem juris eam sibi sumere posse licentiam, utcunque id
defensitarit Berlichius *part. 1. concl. 43. n. 50.* refutatus Carpzo-
vio *l. 6. respons. 18.* & *in Process. tit. 2. art. 3. n. 71.* Fiunt enim in-
strumenta à solo Tabellione, sicut celebratur missa à solo Pres-
bytero, uti juxta Papismum suum loquitur Joh. Petr. de Ferrar.
in prax. tit. 13. gloss. 3. n. 4.

XLIX. Quandoquidem autem à superiorc omnem suam
potestatem consequuntur Notarii, non ineptè hic quæritur,
quousque eam extendere liceat, & utrum instrumentum confi-
cere possit Notarius etiam extra Territorium ejus, qui eum
creavit? Rutgerus Rulant *tr. de Commissar. part. 2. lib. 5. c. 5. n.*
23. dubium relinquit Lectorem. Negant Stephanus Gratianus
discp. forens. c. 167. n. 55. Roland. à Valle *l. 3. consil. 91. n. 15.* Joh.
Aloys. Ricc. *decis. 1788.* Joh. Rudinger *cent. 3. obs. 89.* Camill.
Borell. *tom. 2. decis. 18. n. 105.* Joh. Bapt. Afinius *in prax. part. 2. §.*
3. c. 20. n. 6. Anton. Gabriel. *l. 1. tit. de fid. inst. concl. 1.* excipiens
Notarium qui simul est judex chartularius, *n. 3.* Joseph. Ludo-
vic. *decis. 115. n. 23. seq.* Alvar. Valasc. *tom. 1. consult. 9.* ita ut ne
consensu partium quidem id liceat Notario, nisi sit creatus à

Pa-


Papa aut Imperatore Romano, hujus enim instrumentum ubique locorum valere, ubicunque id confectum fuerit, post alios etiam tenet Andr. Gail. l.2. Obs. 71. n. ult. Matth. Stephan. de iuris d. lib. 2. part. 2 c. 5. n. 7. à quibus dissentunt Alvarus Valascus d. l. n. 2. & Nicol. Boér. decis. 242. Sed & hæc exceptio ideo fortasse attendenda non est, quia universale totius hujus universi dominium & regimen quod Imperatori & Pontifici adscribi solet, præsupponere videtur.

L. Quod verò quæstionem ipsam concernit, interesse videtur, utrum Instrumentum, quod in alieno territorio conficit Notarius, fiat inter subditos illius territorii, an inter Subditos ejus qui Notarium creavit, an inter subditos illius & hujus simul. Primo casu non valet instrumentum, utcumque partes in id consenserint, quia sc: Notarius maiorem autoritatem, quam ipsius Dominus exercere & sibi sumere nequit, l. nem off. de reg. jur. excipe: nisi instrumenti istius vis & effectus in territorium ejus, qui creavit Notarium porrigitur. v.g. quando alterius territorii subditus ex instrumento tali, in territorio ejus, qui creavit Notarium, agere velit. Secundo casu nihil obstat, quò minus Notarius etiam in alieno territorio Instrumentum confidere possit, prout etiam sentit Nicolaus Boërius decis. 242. quemadmodum enim contractus, & alia quæ voluntariæ sunt jurisdictionis, à Principe ipso in alieno territorio confirmari & expediri inter suos subditos possunt, ita & confici ab Notariis in alieno territorio instrumenta. Tertio casu itidem valere puto instrumentum, non in territorio tantum ejus, qui creavit Notarium, quia in hoc conveniri potest subditus hujus territorii, sed etiam in territorio, in quo alter contrahentium degit, propter jus sc: retortionis & ne contractus claudicet. Vid. in utramque partem Johan Georg. Becht. de securit. n. 216, 217, 218. Illud per se patet, posse à Principe prohiberi, ne valeat Instrumentum ab alio Notario confectum, quam qui ab ipso fuerit creatus.

Nic. Boér. d.l.

• 8 (o) 80 •
X





ULB Halle

006 681 980

3




KOM



Universitäts- und Landesbibliothek Sachsen-Anhalt

urn:nbn:de:gbv:3:1-560423-p0041-5

DFG



44
M. A. XX. 1661 1700
ISMA- 21
TIS
TIO VI.
in Academias,
os, Magistros, Bacca-
tarios publicos,
IDIO
ZIEGLERI
Prof. Pub.
ropone
CUS LEDERERUS
SAXO.
addiem Martis

THÆUS HENCKELIUS
C. LXI.